

OPĆINSKI SUD U KALESIJI

Broj: P-23/04

Datum, 07.07.2004 godine

Općinski sud u Kalesiji, po sudiji tog suda Jatić Mustafi, u pravnoj stvari mldb. tužitelja Hasanović Mahmuta sina Ibri iz Lipovica, zastupanog po zakonskom zastupniku ocu Hasanović Ibri, a ovaj po punomoćniku Šehić Šehi advokatu iz Živinica, protiv tuženika Biro zelene karte u Bosni i Hercegovini – Sarajevo, ul. Kolodvorska 11 A/II uz učešće umješača Croatia osiguranje d.d. Ljubuški, radi naknade štete, v.s.p. 39.000,00 KM, posle održane glavne rasprave sa prisustvom punomoćnika tužitelja i odsutnim tuženikom i umješačem na dan 08.06.2004 godine, dana 07.07.2004 godine, donio je

P R E S U D U

OBAVEZUJE SE tuženi Biro zelene karte Bosne i Hercegovine Sarajevo da mldb. tužitelju Hasanović Mahmutu iz Lipovica, na ime naknade štete koju je pretrpio u saobraćajnom udesu od 04.10.2002 godine isplati novčani iznos i to:

- na ime naknade nematerijalne štete iznos od 27.625,00 KM, od čega za duševni bol zbog umanjenja životne aktivnosti od 50% iznos od 18.700,00 KM, za fizičke bolove iznos od 3.400,00 KM, za pretrpljeni strah iznos od 2.975,00 KM i za naruženost iznos od 2.550,00 KM, sa zakonskom zateznom kamatom počev od 07.07.2004 godine pa do isplate, kao i da mu naknadi troškove postupka u iznosu od 2.994,13 KM, a sve u roku od 30 dana od dana donošenja presude.

Sa viškom preko dosudjenih iznosa za nematerijalnu štetu kao i zahtjev za plaćanje rente tužbeni zahtjev se odbija.

O b r a z l o ž e n j e

Zakonski zastupnik mldb. tužitelja, preko svog punomoćnika, zatražio je da sud obaveže tuženika na plaćanje iznosa od 39.000,00 KM kao nematerijalne štete od čega za umanjenje životne aktivnosti 23.000,00 KM, fizičke bolove 7.000,00 KM, pretrpljeni strah 6.000,00 KM i naruženost 3.000,00 KM kao i naknadu u obliku novčane rente od po 100,00 KM mjesečno počev od dana presudjenja pa nadalje, a sve to uz naknadu i sporednih potraživanja.

Osnov za traženje naknade štete u navedenim iznosima, po tvrdnji tužitelja je nastala šteta koju je mldb. tužitelj pretrpio u saobraćajnoj nezgodi koja se dogodila na dan 04.10.2002 godine u mjestu Gornji Rainci, općina Kalesija na Magistralnom putu Tuzla – Zvornik. U toj nezgodi mldb. tužitelj je zadobio teške tjelesne povrede opasne po život. Do povredjivanja je došlo tako što je na mldb. tužitelja naletilo putničko motorno vozilo marke «BMW» TIP 18-318 registarskih oznaka M-BM-1900 kojim je upravljao Bećirević Ahmet, dok je vlasnik vozila Islamović Mirsad.

Navedeno vozilo je posjedovalo zeleni karton na ime vlasnika Islamović Mirsada sa važnošću od 22.12.2001 godine do 22.12.2005 godine.

Mldb. tužitelj je, od zadobijenih povreda, liječen kod JZU UKC Tuzla. Od vremena povredjivanja, tokom liječenja i posle toga tužitelj je trpio fizičke i psihičke bolove (strah) različitog intenziteta i vremenskog trajanja. Pored fizičkog i psihičkog bola kod mldb. tužitelja je kao posljedica pretrpljenih povreda došlo i do umanjenja životne aktivnosti za 50% i naruženosti u lakom stepenu.

Za izazvani saobraćajni udes protiv Bećirević Ahmeta vodjen je krivični postupak kod Općinskog suda u Kalesiji pod brojem K-72/03 za krivično djelo iz člana 315 stav 3. KZ